

Prima ff. 1000

et in fine...

34702

c

Ballant

REIGLE
GENERALLE
D'ARCHITECTVRE
des cinq manieres de colonnes, à sçauoir,
Tuscanne, Dorique, Ionique, Corinthe,
& Cōposite: & enrichi de plusieurs
autres, à l'exemple de l'antique: veu,
recorrigé & augmenté par l'au-
teur de cinq autres ordres de
colonnes suiuant les rei-
gles & doctrine de
Vitruue.

Au profit de tous ouuriers besongnans au compas & à l'esquierre.

A Escouën par Iehan Bullant.



A PARIS,

De l'Imprimerie de Hierosme de Marnef & Guillaume Cauellat,
au mont S. Hilaire, à l'enseigne du Pelican.

1568.

Auec priuilege du Roy.

18



A TRES-ILLVSTRE SEIGNEVR


MESSIRE FRANCOIS DE MONTMORENCY,

MARESCHAL DE FRANCE, LIEVTENANT ET GOV-

uerneur pour le Roy, en la ville de Paris & Isle de

France: Iean Bullant son tres-humble

& tres-obeissant seruiteur. S.




MONSEIGNEVR, apres si peu de sollicitude requi-
se aux ouurages à moy commandez, par Mon-
seigneur le Conestable vostre trescher & ho-
noré pere, décoré de toute vertu: lequel m'a
toufiours occupé & entretenu aux œuures de
son chasteau d'Escouën: à fin de ne me consom-
mer en oisueté (d'autant que la plus part du
temps me restoit sans autre occupation) ie me
suis employé à reduire en telle pratique, que la
capacité de mon petit entendement l'a sceu cō-
prendre, & mesmes en grand volume, cinq ma-
nieres de colōnes, selon la doctrine de Vitruue: c'est à sçauoir, Tuscan, Doric-
que, Ionique, Corinthe, & Composite, accōpagnées d'autres, suiuant chascune
son ordre, que i'ay mesurées à l'antique dedans Rome, comme au theatre de
Marcellus, lequel se void décoré d'un ordre Dorique & Ionique fort louez: au
temple de Fortune virile, auquel y a un ordre Ionique: & au Pantheon (autre-
ment dict Rotōde) qui fut iadis enrichi d'un ordre Corinthe bié estimé. Vray
est, Monseigneur, que cest œuvre est plus duisant & conuenable pour artisans
qui besongnent au compas & à l'esquierre, (pour lesquels ie me suis principa-
lement trauaillé) que pour les grands seigneurs, qui toufiours sont empeschez
aux affaires qui leur suruiennēt d'heure à autre, en l'administration de la Re-
publique. Ce neantmoins ie me suis tant fié de vostre bonne & vertueuse affe-
ction, Monseigneur, enuers tous hommes studieux des arts & sciences liberal-
les, que i'ay bien osé vous dedier, offrir & presenter, ce mien labeur, quelque
simple & mechanique qu'il soit. Car quand ie suis venu à rememorer, commēt
mondict Seigneur le Conestable daigna bien tant s'abaisser, que de lire un pe-
tit traicté de Geometrie & Horologiographie, que ie luy dediay, comme son
tres-humble & obeissant subiect: ie me suis du tout asseuré que vous, Monsei-
gneur (auquel on void reluire toutes les vertus d'un tel & si excellent pere) ne
desdaignerez nō plus ce mien nouuel ouurage, lequel tres-humblemēt ie vous
presente, Monseigneur, qui estes le vray protecteur des hommes ayants la
vertu. Suppliant vostre excellēce, que vostre bon plaisir soit, le receuoir d'aussi
bonne affection, que le vous presente vostre tres-humble & tres-obeissant ser-
uiteur. Et si tant est, que telle grace me soit faicte, ie consommeray le reste de
ma vie en ce que ie congnoistray vous pouuoir estre agreable, & mesmes à
prier le createur pour vostre tres-bonne prosperité & santé. D'Escouën, l'an
de grace, mil cinq cens soixante quatre.



IEHAN BVLLANT

STVDIEVS D'ARCHITECTVRE

AVX LECTEURS SALVT.



MESSIEVRS, ce peu que mon petit entendement a seu comprendre es liures de Vitruue, conioinct à ce qu'ay peu practiquer à l'antique, m'a induit & sollicité de m'employer plus hardiment à reduire les cinq manieres de colonnes, qui sont, Tuscanes, Dorique, Ionique, Corinthes, & Composite, selon la doctrine dudit Vitruue: suivant lequel j'ay fait cinq figures de colonnes en difference de haulteur, pour donner plus clairement à entendre quel retresissement doibuent auoir les principales parties de chascune, comme sont l'architraue, la frize & cornice, en esgard à ladite haulteur, & ce en chascune des cinq manieres susdites. Au moyen dequoy chascun pourra bien aisement congnoistre, comme se doit conduire l'ordre d'où il se vouldra seruir: moyennant que celui qui en vouldra faire son profit, ne soit ignorant de perfectiue. Car autrement ne pourra rien practiquer à propos, si ce n'est par accident. Et quant aux parties, genres, & symmetrie d'icelles, ie mesuis delibéré les declarer & traicter suivant ce qu'en a escript cest excellent architecte Messire Leon baptiste Albert, lequel a doctement & amplement desluis toutes ces choses en son septieme liure de bien bastir, traduit par Iean martin Parisien, auquel en est deüe grande louenge par les studieux d'architecture, pour auoir par luy esclaircy & mis en nostre vulgaire, vn si excellent liure, avec plusieurs autres, desquels vn chascun peult receuoir vng grand plaisir & contentement. Or, messieurs, ie v'ous bien v'ous aduertir, que ma principale intention, en ce mien nouuel oeuvre, a esté de travailler pour les ouuriers (car les homes doctes en cest art n'ont besoing de mes escripts) à fin de leur donner à entendre quel a esté le iugement de noz bons maistres antiqués. Et pour accompagner lesdits cinq ordres, il m'a semblé conuenable de reduire à mon pouuoir les ordres plus loüez, qui se voyent à Rome à l'antique, & sont, vn ordre Dorique, deux ordres Ioniques, deux ordres Corinthes, & vn ordre Composite: suivant & ainsi que moy mesmes les ay mesurez & practiquez, avec leur symmetrie amplement desdite selon chascun ordre, & adioustant au tout vne si bonne declaration pour chascune figure, que ceux qui ont la pratique du compas, n'auront besoing d'autre lectrur: qui cause que ne mesuis plus longuement arresté à escrire, comme il fault prendre leur mesure en chascun ordre: d'autant que toutes les figures sont tellement reduites en grand volume & diuersifiées en plusieurs sortes, qu'elles ne requierent plus ample & speciale declaration, m'assurant que le seul compas suffira pour en donner raison & intelligence aux ouuriers. Et qui vouldra chercher curieusement avec le compas, il trouuera que le tout se rapportera selon les regles de Vitruue. Au surplus Messieurs, ie v'ous supplie ne me vouloir imputer à presumption aucune, ceste mienne entreprise, ny m'estimer si temeraire, que de vouloir corriger les inuentions & ouvrages antiqués: car mon intention ne fust onques autre, que de faire congnoistre (tant qu'en moy est) les choses qui sont bien ou mal entendues, desirant par ce mien labeur donner occasion aux homes studieux & mieux exercez en cest art, de nous esclaircir de plus en plus ceste noble discipline & regle de Vitruue, nous recueillir tant de belles fleurs, desquelles on void les champs fertiles de ces bons auteurs estre semez, faire venir en connoissance de tous vne infinité d'autres inuentions, qui seruiron à la posterité, & ne se point monstrier chiche des dons de grace par eux liberallement receuz, tant de Dieu que de nature. Quant à moy ie supplie estre excusé, si n'ayant atteint la perfection que i'eusse bien desiré pour le profit des ouuriers, si ay oublié quelque chose en la distribution & mesure de ces ordres, & n'ay si clairement exposé le texte, qu'il n'y soit demeuré quelque obscurité, ainsi que de soy-mesme il est bien mal aisé à entendre. Et où il aduendroît qu'aucun malueillant me vouldist pour cela blâmer, ie luy prie remettre doucement le differé aux homes doctes, & se parforcer de mieux faire, à fin que les choses soient entendues de mieulx en mieulx à vn chascun. Il vous plaira doncques, Messieurs, prendre en bonne part mon bon vouloir en ce peu de pratique, que Dieu m'a donné moyen v'ous declarer pour v'ous en seruir, si besoing est: lequel ie prie en faire la grace à ceux qui le desirant. D'Esconen l'an de grace mil cinq cens soixante quatre.

ADVERTISSEMENT

AVX LECTEURS.

Messieurs, pour rendre plus claire intelligence aux ouuriers, à ceste deuxiesme impression, ie me suis employé à tout ce qui m'a esté possible, de ce qui me sembloit estre demeuré obscur, & caché aux figures de ce mien petit labeur: & aussi à dire verité, quand quelque ceuvre est faicte, est facile à tous congnoistre les fautes: mais difficile sinó à peu de les améder. Qui est la cause que pour plus faire paroistre la distribution & mesure de chascune ordre de colóne, ie me suis mis en debvoir de ce peu de pratique que dieu m'a donné, d'augméter mon petit ceuvre de cinq autres ordres de colónes, ayant chascune toute leur partie de symmetrie, & mesure deduiste amplement, tant par figures, que par escript: monstrant en chascune ordre par alphabet, comme se doibuent prendre les mesures de toutes les parties de chascun membre. Et ainsi sera bien facile venir en congnoissance aux ouuriers de leur mesure & principale partie de chascun membre des plus belles & commodés: & aussi pour euitier le difforme mal conuenable, comme verrez aux figures que j'ay augmenté & corrigé en ce que j'ay peu. Et quant aux chappiteaux dedictes colónes, de ceux qui sont reduictz en grád, ilz ont les fucilles assez mal refendues & contournées pour estre suiuiues selon l'antique. On ne peult pas donner le garbe à la taille du bois, comme à la taille du cuire: parquoy vous aurez recours à ceux que j'en ay faict en cuire, estampés non trop nettement, mais à la maniere seulement. Au surplus, messieurs, i'oseray dire ce, qu'il ne s'en trouuera aucune mode inuentée de nouveau, que lon puisse à bon droict estimer en maicesté, en ordonnance de leurs mébres, symmetrie, & en consonance de mesure, comme sont les cinq ordres de colonnes, que nous ont faict & laissé de leurs inuentions, ces antiques excellents doctes architectes, tant par escript que par ceuvre, qui se voit encores à l'antique. Et suis en ceste opinion, qu'il n'est possible d'y adiouster, ny moins diminuer, en variété de leurs ordres & symmetrie, sans vne grande difformité de leurs consonance & mesure. Je me sentirois grádement heureux, de pouuoir imiter quelque peu ces excellents ouuriers, qui nous ont laissé de si belles ceuvres. Aussi ie vous veux bié aduertir, messieurs, que ie ne me veulx attribuer d'auoir approché si parfaictémét & poly mon petit oeuvre, qu'il n'y puisse estre demeuré encores aucune tache de rouilleure, tant aux figures qu'à la lettre. Parquoy le supplie tous lecteurs & studieux d'architecture vouloir prendre en bonne part ce que j'en ay faict, pour s'en seruir si besoing est.

PRIVILEGE DV ROY.

CHARLES par la grace de Dieu Roy de France, aux Preuost de Paris, Seneschaulx de Lyon & de Poictou, & à tous noz autres Baillifz, Seneschaulx, Preuostz, Iuges, ou leurs Lieutenans, & autres noz Iusticiers, & Officiers: & à vn chascun d'eulx, si comme à luy appartenendra, salut & dilection. Nostre cher & bien amé, maistre Iean Bullat, Architecte de nostre tres-cher & tres-amé cousin, le Duc de Montmorency, Pair & Conestable de France: nous a fait entendre qu'il a fait & composé vn liure intitulé (Les cinq manieres de colonnes, en cinq volumes: à sçauoir, Tuscane, Dorique, Ionique, Corinth, & Composite, à l'exemple de cinq autres ordres antiques, suiuit la reigle generale de Vitruue:) lequel liure, pour le bien & profit de la Republicque, il a delibéré faire imprimer à ses propres coustz & despés. Et pource qu'il doute que l'ayant mis en lumiere, vn chascun des Imprimeurs de nostre Royaume le veuille indifferemmet imprimer, & iceluy exposer en vente: & par ce moyen le frustrer du fruit de ses labeurs, & de la recompése qu'il pretend tirer des frais & mises qu'il luy couiédra faire à l'impression dudit liure: nous a tres-humblement fait supplier & requerrir, luy vouloir octroyer & impartir sur ce noz lettres de prouision necessaires. **P O V R C E** est il, que nous inclinâs liberallemét à la requeste qui nous a esté faicte par nostre-dict cousin, en faueur dudit Bullant: à iceluy auons permis & octroyé, permettons & octroyons par ces presentes, qu'il puisse & luy loise faire imprimer ledict liure par tel ou telz Libraires ou Imprimeurs que bon luy semblera, pour le téps & terme de dix ans prochainement venans, ensuiuans & consecutifz, à coméncer du iour que ledict liure sera acheué d'imprimer. Et auons inhibé & deffendu, inhibés & deffendós par ces presentes, à tous autres Imprimeurs & Libraires de cestuy nostre Royaume, quelz qu'ilz soient, que durant ledict temps de dix ans ilz n'ayent à imprimer, ne faire imprimer ledict liure, sans le congé & licéce dudit maistre Iean Bullant, ne iceluy mettre n'exposer en vente, imprimé d'autre que de celuy ou ceulx qui auront eu charge de luy de l'imprimer, & que ce ne soit de leur vouloir & consentement: & ce sur peine de confiscation deldictz liures & d'amende arbitraire. **S I V O V L O N S** & vous madons, & à vn chascun de vous, si comme à luy appartenendra, que de noz presentes permission, octroy, & du cōtenu cy dessus, vous fassiez souffrez & laissez ledict maistre Iean Bullant & ledictz Imprimeurs, ayant charge de luy d'imprimer iceluy liure, iouir & vsér pleinement & paisiblement durant ledict temps, & ainsi que dessus est dict: cessans & faisant cesser tous troubles & empeschemens au contraire, en procedant à l'encontre de ceulx que trouuezerez contreuenir au contenu de celsdictes presentes par confiscation deldictz liures, & adjudication de ladite amende: car tel est nostre plaisir, nonobstant quelzconques ordonnances, restrictions, mandemens, & deffenses à ce contraires. **Donné** à Paris le IX^e iour de Decembre, l'an de grace, mil cinq cens soixáte trois, & de nostre regne le quatriesme.

PAR LE ROY.




DE LA VESPINE.

LEDICT IEAN BULLANT A TRANSPORTE' LEDICT PRIVILEGE A Hierosme de Marnef & Guillaume Cauellat le xxxj. de Decembre 1563. Et fut acheué d'imprimer ledict liure le xxvij. May, 1564.

TVSCANE.

DORIQUE.


IONIQUE.





CORINTHE.

COMPOSITE.



LA premiere & plus ancienne colonne, qui est plus forte & plus durable à la peine, & plus resistente à vailleesse, fut appellée Dorique premieremēt inuētée d'vn prince nommé Dorus filz d'Hellen & d'Optique la Nymphē, regna iadis en Achaie, & si tenoit tout le pais de Pelopōnese. Ce prince edifia en Argos (ville trefanciēne) vn Temple à la deesse Iuno, lequel de fortune fut fait à la mode que nous difons Dorique. Apres en d'autres citez d'Achaie en furēt bastiz de semblables, n'estant encores trouuée la raison des symmetries. Mais apres que les Atheniens par les responses de l'oracle d'Apollo en liste de Delphos, eurent avec le commun consentement de toute la Grece, mené pour vne fois en Asie treze troupes ou colonies de nouueaux habitans, & à chascune ordonné certains Ducz ou capitaines pour les gouuerner, la souveraine autorité fut baillée à Ion filz de Xuthus & Creüsa, lequel ce mesme Dieu Apollo auoit pareillement en ses oracles aduoüé pour son filz. Cestuy-la print la charge de cōdūire ces Colonies en Asie, ou il occupa incontinent les frōtieres de Carie, & y bastit des citez magnifiques, comme Ephese, Milete, Myunte (qui depuis fut abimée en Mer, & de laquelle iceux Ioniens annexerēt à ladite Milete le temporel, & les choses sacrées) Priene, Samos, Teos, Colophon, Chius, Erythrée, Phocée, Clazomene, Lebede, & Melite: qui aüssi par le cōmun accord de toutes ces Citez fut entierement destruite & mise bas, par guerre signifiée à iour prefix, à l'occasion de l'arrogāce & temerité de ses habitās: puis en son lieu par l'intercescion du Roy Atalus & de la Roynie Arsinoé, la ville de Smyrne fut receüe entre les Ioniennes. Ayant donc les citoyens de ces citez chassé à force d'armes les Cariés & Lelegues, peuples barbares de long temps residās en ces pais, les victorieux appellerent la contrée Ionie, du nom de leur souverain: puis y edifierēt aucuns Temples pour honorer les Dieux immortelz, & singulieremēt Apollo Panionius, l'edifice duquel fut cōduict à la semblāce de celuy qu'ilz auoient veu en Achaie, & pour ceste raison le nommerent Dorique.



TVSCANE.





DORIQUE.



DORIQUE SELON LA DOCTRINE DE VITRUVVE.



Or est il que quand ilz y voulurent dresser des colonnes, ces bons gens ne sachas quelles symmetries ilz leur deuoiēt donner, prindrent leurs mesures d. ssus le corps de l'homme, & trouuerent que depuis l'un de ses costez iusques à l'autre c'estoit la sixiesme partie de sa lōgueur: & que depuis le nombril iulques aux reins, ce'a faisoit vne dixiesme: chose que noz exposeurs des saintes lettres ayant bien obseruē, estimerent que l'arche faicte au temps du Deluge, fut cōprise sur la figure de l'homme. Et peult estre que les ouuriers qui vindrent puis apres, ordonnerēt que les mesures d'ice'les leurs colōnes seroiēt faictes en forte, que les vnes auroiēt six fois la hau'teur de leur empie'tement, & les autres dix. Mais par apres aduertiz par vn instinct naturel, né en l'entendement de la personne (par lequel les conuenances s'apperçoiuēt, ainsi qu'auons d'ēt) que d'un costē si grande espoisseur de colōnes, & d'autre si grāde grefletē, estoient mal seantes, reietterēt toutes les deux susd'ētes manieres: & à la fin iugerēt qu'entre ces deux extremitez ou excès gif' it la seance & bonne grace d'icelles colōnes telles qu'ilz la cherchoient: & pour ce faire en premier lieu suiuirēt les Arithmeticiens, ioignant ensemble ces deux extremitez, qui faisoiet seze, puis partirēt par la moitié la somme toute entiere qui leur fait veoir par euidēce, que le nombre de huit estoit esgalement distant dudit six, & du dix: puis ensuiuāt cela donnerēt à la longueur de la colonne huit fois le diame-




DORIQUE SELON LA DOCTRINE DE VITRUVVE

tre de la baze, & la nommerent Ionique. Apres pour r'abiller l'ordre Dorique, appartenant aux edifices de grosse masse, ilz feirent tout ne plus ne moins. Car le nbre de fix fut par eux adioust avec ce huit, si qu'il en proceda quatorze: lequel se diuisa en parties esgales, qui furent sept pour chascune, & l'un de ceux-l se donna au bas de la tige Dorique, pour en sextupler la haulteur. Finalement pour proportionner les plus gresles colonnes qu'ilz nommerent Corinthiennes, ilz assemblerent le huit des Ioniques, avec le dix assigne  cest ordre, & cela donna dixhuit: qui fut aussi party en deux, si que c'estoit neuf pour moyti: lequel nbre fut appliqu  la haulteur du corps de la colonne, multipli par soy  son empietemt. Ainsi les Ioniques eurent de long, huit fois le diametre de leur baze, les Doriques sept, & les Corinthiennes neuf. Voila comment la colonne dorique fut premierement forme sur la proportion de l'homme.

DES PAR-





Cest ordre Dorique est à vn arc triumphal, qui se voit à present à vingt sept milles de Rome.

DES PARTIES D'VNE COLONNE, ensemble des Chapiteaux & de leurs genres.

La haulteur de ceste colonne à vze piedz neuf poulces trois lignes & demie y cōprins l'estragal & la liziere d'embas.

Le diametre par bas vn pied cinq poulces sept lignes.

Le diametre par hault vn pied iiii poulces sept lignes.

La haulteur de la base, neuf poulces iiii. lignes & demie

La haulteur du chapiteau dix poulces vne ligne.


La haulteur de l'architraue, neuf poulces six lignes.

La haulteur de la frize vng pied neuf lignes.

La haulteur de la corniche y comprins la liziere des fiches ou treillies vn pied deux poulces vne ligne.

Je vous veux bic aduertir, que ceste corniche n'est ainsi enrichie en oeuvre, cōme ie l'ay designé en ceste figure.

Aussi ie me suis voulu arrester à vous descrire les haulteurs & faillies de chascun membre particulier, comme ie les ay mesurés, mais seulement les principales haulteurs desdictz membres, pour plusclairement cognoistre la maistrise de chascun ordre de ces excellens Architectes.




Quand on a mesuré les intervalles, il fault dessus y asseoir les colonnes qui doibuent soutenir la couuerture. Et (certes) il y a grād differēce entre colonnes & pilastres, mesmes encores aux couuertures, à sçauoir si elles sont par dessus recouuertes d'arches ou d'architraues: car sans point de doubte lesdictes arches & pilastres sont propres aux theatres: & pareillement aux Basiliques, icelles arches ne sont pas hors d'estime. Mais en tous les excellens ouurages de temples, on n'y a point veu iusques à present portiques autres que traounez ou plâchez.

Maintenāt donc ie veul parler des parties de la colonne. Premièrement il y a le plinthe d'embas, sur quoy s'assiet la base, dedās laquelle se met la tige: apres le chapiteau, plus l'architraue, en qui viennent à poser les boutz des soliveaux armez d'une lisiere ou bende platte de moulure: & encores par dessus tout cela gist la corniche, que les aucuns nomment coronne. Or ie vois commencer par la deduction des chapiteaux, à cause que ce sont ceux qui sont le plus varier les colōnes. Toutesfoiś auāt la main ie prie tous ceux qui transcritōt ce mien liure, qu'ilz mettent tout au long les nombres, dōt en cest endroit ie feray mention, & ne veuillent rien abreger par figures ou caracteres, ains ne leur soit molesté d'escrire, douze, vingt, quarāte: & ainsi des autres, nō pas xii. xx. xl. ou semblables.

La necessitē aprint aux anciens à mettre des chapiteaux sur les colonnes, à fin que les trenches des architraues ou sommiers pussent poser dessus, & sy conioindre. Mais au cōmencemēt c'estoit vn b. llot de bois quarré, difforme & de mauuaise grace. Que (si nous voulōs croire aux Grecz) les Doriciens premiers inuenterent de faire quelque ouurage à l'entour pour vn petit adoucir ce billot, à fin que cela eust apparence d'un vase arrondissant couuert d'un couuerle quarré. Et pource que de prime face il leur sembla vn peu trop court, ilz luy feirent le col plus long. Tost apres les Ioniens ayant veu les ouurages Doriques, approuuerent bien ces vases pour chapiteaux. Mais nō leur nudité, ny ceste adiuñction de col: ains en leur place y meirēt vne escorce d'arbre, laquelle pendoit tant d'une part que d'autre, & se retournoit cōme vne Anse, pour enrichir les costez de leur vase. Consequemment les Corinthiēs succederent, au-moins vn ouurier d'entre-eulx nommé Callimaque, lequel ne feit cōme les precedés des vaisseaux euasez, mais se seruit d'un esgayé & de bōne haulteur, reuestu de feuilles tout entour, pour autāt que cela luy pleust, l'ayant ainsi veu sur le sepul-

ORDRE DORIQUE.




sepulchre d'une ieune fille; ou d'avanture estoit percrue vne herbe dicte Acathe, autrement Branque vrsine, laquelle reuestoit tout le corps du vaisseau. Trois sortes d'oc de chapiteaux furent en ce point inuentées, & receües en v'sage par les bons ourriers de ce temps là. Ce nonobstant ie treuve que le Dorique auoit esté long tēps auparavant practiqué entre les Ethruïques: mais ie ne m'arrestay à si petit de chose, ains sans plus desduiray ces trois, à sçauoir le Dorique, le Ionique, & le Corinthien.

Or d'ou pourriez vous estimer que soit procedé le grand nombre des autres chapiteaux de formes differentes qui se voyēt tous les iours en plusieurs ourrages? Quāt à moy, ie suis d'aduis qu'il n'est venu sinon des bōs espritz qui se sont trauaillez pour inuenter des nouueautez: toutesfois quoy qu'ils ayēt sçeu faire, encores ne s'est trouuée aucune mode que lō puisse, à bō droit estimer, autant que celles là, si ce n'est vne que i'ose bien nommer Italienne, à fin que lon ne pense que toute la louenge d'inuētion soit deue aux estrangers. Sans point de doute celle mode a meslé avec la iolieté Corinthienne, les delices Ioniques: & en lieu des anses pendentes, a mis des volutes ou cartoches, tellement qu'il s'en est fait vn œuure singulierement agreable, & bien approuué entre tous.

Mais maintenāt pour venir aux colonnes, ie dy que pour leur donner grace, les architectes ont voulu, que soubz les chapiteaux Doriques fussent mises des tiges portantes en leur empietement vne septiesme partie de toute leur longueur, les Ioniques eussent vne neuuiesme, & les Corinthiennes leur huitiesme en diametre par enbas. Soubz toutes ces colonnes leur plaisir fut, mettre des bases esgales, en haulteur, toutesfois differentes en moulures. Que vous diray- ie plus? tous ces inuēteurs ont esté dissemblables en ce qui concerne les lineamens des parties: mais quant à la proportion des colonnes, ilz sont pour la plupart conuenuz ensemble: car tant les Doriens, Ioniens, que Corinthiēs, approuuerent les traictz de colonnes, & en ce pareillement se sont ilz accordez ensemble, (en ensuiuant la nature) que les troncz des colonnes feussent tenuz plus menuz par hault que par bas. D'autres, pource qu'ilz entendoiet que les choses veües de loing, & (par maniere de dire) quasi cōme d'un œuil lassé, se montrent moindres qu'elles ne sont, ordonnerent par meure deliberation, que les colonnes haultes ne fussent pas si menues par hault que les plus courtes: & à ceste cause fut fait, que le diametre de l'empietement, (si la tige doit auoir quinze piedz de longueur) seroit party en douze diuisions esgales, dont il en fault donner les vnze au bout d'en hault, & non point d'auantage. Mais si elle est de xv. à xix. piedz, il conuiēt partir le diametre de

bas



La haulteur de celle colonne a de hault vingt deux piedz ix. poulces vi. lignes y cōprins festragal ou cerceau & la plinthe d'embar. Ceste colonne n'a point de basse, cōme voyez: de diametre par bas deux piedz xi. poulces vii. lignes. Le diametre par hault deux piedz iiii. poulces six lignes.


La haulteur du chapiteau vng pied cinq poulces six lignes.

La haulteur de l'arquitraue vng pied cinq poulces vnz lignes.



La haulteur de la frise vng pied dix poulces six lignes.

La haulteur de la corniche y cōprins la liziere des faches ou reglisses ii. piedz v. poulces iiii. lignes.

Cest ordre Dorique est au theatre de Marcellus à Rome fort loué des bons Architectes



bas en treze, & en donner les douze au hault. Plus si elle porte de vingt à tréte piedz, ce diametre de l'empietement doit auoir dixhui& parties, & le bout d'amont feze. Apres si elle est de trente à quarante piedz, il fauldra diuifer le diametre en quinze, & en bailler les treze au bout d'en-hault. Oultre si elle monte de quarante à c'nquante, le Diametre d'enbas fera party en huit modules, dont le bout d'en-hault en aura sept: & ainsi des autres: car il se fault renger à ce que tant plus la colonne est longue, plus doit elle estre grosse par en hault. Et certes tous les architectes se sont accordez à cela: toutesfois en mesurât les bastimens antiques, j'ay trouué que ces reigles n'ont pas tousiours esté iustement obseruées. Et neantmoins les ay faictz selon les reigles de Vitruue, comme verrez cy apres par les figures au dernier fueillet du liure.



DES LINEAMENS DES COLONNES EN TOVTES LEVRS PARTIES, ensemble des bases, avec leurs mouleures, bozelz, armilles ou anneaux, frises, ou latastres, petitiz quarrez, taillouers, membres rondz, filletz ou petitiz quarrez, nasselles, goules droictes & goules renuerfées, que lon dist en vn mot doulcines. Puis nous monstreròs à chascune ordre de colonne, còme il fault donner leurs proportions & diminutions de toutes leurs parties (ayant leurs stilobates à chascune ordre comme se veoit par les figures) clairement notté en chascun ordre.

En recommenceray en cest endroit à parler des lineamens des colonnes. Je priédray entre les fortes de colonnes, celle dont les antiques se fouloient plus communément seruir en bastimés publiques, & ceste là sera moyenne entre les plus grâdes & plus petites: cest à sçauoir de trête piedz de hault, dont ie diuifera le diametre du bout d'embas en neuf parties toutes esgales, & en dōneray huit à celluy du bout d'en hault: ainsi sera la proportion gardée comme de huit à neuf, que lon nomme sesquioctave: puis ie feray par esgalle proportion, que le diametre du rappetissement par-enhault, se rapportera à celuy de bas, qui est (comme dict a esté) de huit à neuf: car autant en a la plante.

De rechef j'accorderay ce diametre du bout d'en hault, avec celuy auquel la tige se cōmēce à diminuer, & en feray vne sesquiseptieme: puis ie viendray aux autres lineamens des parties pour dire en quoy & comment ilz different.

Les moulures de la base sont, le plinthe, le bozel, & la nasselle. Iceluy plinthe est vne platinē quarrée mise en la partie de bas, comme pour soustenir le faix, laquelle ie nomme latastre, à raison que de tous costez elle sestend en largeur. Les bozelz sont ainsi que gros anneaux de chaine, sur l'un desquelz s'assiet ou plante la tige de la colonne, & l'autre pose sur le plinthe. La nasselle est vn canal creux, mis entre ces bozelz, comme seroit la concauité d'une poulie.


Maintenant entendez que toute la raison de mesurer les parties, a esté prinse sur le diametre de l'empietement de la colonne, ainsi l'instituerent les Doriques. Leur plaisir fut de donner de hault à toute la base, la iuste moitié du diametre bas de la colonne. En ceste base ilz voulurent le latastre ou plinthe large en quarré, de mesure telle, qu'il portast vn diametre & demy tout entier de l'empietemēt, ou pour le moins vn diametre & vn tiers. Apres ilz diuiferent la hauteur de la base en trois parties, & en donnerent l'une à l'espoisseur de ce latastre ou plinthe, & par ainsi toute la hauteur d'icelle base fut triple à l'equipollent du latastre, la hauteur duquel pareillement se rendit triple au respect de toute la base. Apres ilz diuiferēt le reste de la base en quatre, & en donnerent vne au bozel de dessus: puis encores partirēt ilz en deux ce qui demouroit entre icelluy bozel & le latastre, autrement plinthe: & en baillerēt l'une au bozel de bas, le residu à la nasselle constituée entre deux. Ceste nasselle a en ses extremittez deux petitz quarrez comme lizieres, à chascun desquelz fut donné vne septiesme partie de la largeur à elle assignée, le demourant est encaué.

Or ay-ie dit qu'en tout bastiment, quel qu'il soit, lon doit songneusement prendre garde à ce que iamais rien ne porte à fault, ains que tout ce qu'on met l'un sur l'autre, aist correspondance au massif. Et certes il y aura du fault, si le rondeau à plomb est mis contre la face de quelque moulure, treuue en pédant du vuide entre luy & les autres choses qui serōt au dessoubz. Cela feit que les ouuriers antiques voulans cauer ce creux de la nasselle, n'allerent iamais plus en profond que la ou deuoit correspondre le massif de la charge.

Les bozelz auront de faillie vne moitié avec la huitiesme partie de leur espois: & quant à celuy de dessoubz, sa circonserce ou rondeur sestendra des quatre costez sur les viues arestes du latastre le supportant.

Voyla cōment les Doriques se gouvernerent en cest endroit, chose que les Ioniens approuuerent: mais leur volonté fut de doubler les nasselles, & entre deux y meisrent des astragales ou anneaux: par ainsi donc leurs bases eurent de hauteur le demy diametre de l'empietemēt de la colonne: & diuiferent ceste hauteur en quatre, dont ilz en donnerent vne à l'espois du latastre, & de large vne quartes en tous sens: au moyen dequoy lon peut veoir que toute la hauteur de leur susdicte base portoit quatre, & la largeur vne. Le reste de ceste hauteur, nō compris le latastre, ilz le diuiferent en sept parties, & en donnerent les deux à l'espoisseur du bozel de bas, puis encores mesurerent le demourant de la base en trois: dequoy la tierce de hault fut baillée au bozel de dessus, & les deux au dessoubz distribuées tant aux nasselles que astragales, qu'ilz firent par ceste raison: à sçauoir que l'espace d'entre iceulx bozelz seroit diuisé en sept parties, desquelles on en donneroit vne à chascun des anneaux, & le reste s'appliqueroit par esgales portions aux deux nasselles. Puis quant aux faillies des membres rondz, ces Ioniens les obseruerent ne plus ne moins que les Doriques: mesmes en creusant ces nasselles, iamais ne les firent aller plus en profond que la ligne perpendiculaire des parties posant

MESVRE DE PORTE DORIQUE CONVENABLE POVR TEMPLES.






ORDRE IONIQUE SELON LA DOCTRINE DE VITR VVE.

dessus. Vray est, qu'aux petitz quarrez ilz donnerent à chascun vne huietieme partie de la largeur de la nafelle. Toutesfois encores se trouua il des ouuriers entre eulx lesquelz diuiserēt la haulteur de la baze en seize, nō compris en ce le latastre: & en donnerēt quatre au bozel de bas, & trois à celuy de dessus, à la nafelle inferieure trois & demye, & autant à la superieure: le residu estoit pour les petitz quarrez. Voyla certes comment les Ioniens se gouvernerent en cest endroit.

Puis les Corinthiens approuuerent l'une & l'autre de ces bazes, à sçauoir la Dorique & la Ionique, mesmes en vsent ordinairement en leurs ourages: voire, qui plus est, en toutes les particularitez des colonnes, ilz n'y changerent finon le chappiteau. Aucuns disent que les Ethruriens ne faisoient en leurs bases le latastre ou plinthe carré, mais tout rond: ce nonobstant ie n'en trouuay iamais parmy les oeuvres des antiques: bien est il, qu'aux temples ronds, principalement aux portiques ou promenoers qui les enuironnoient, iceulx noz peres auoient accoustumé de faire leurs bases, de sorte que les plinthes continuoient à vn mesme niueau, comme s'ilz eussent voulu donner à entendre que cestuy-la deuoit estre vn perpetuel subiect pour tenir les colōnes en leur haulteur esgalle. Chose que (à mon aduis) ilz firent, pource qu'il leur sembloit que les membrures quarrées ne cōuenoient pas bien avec les rondes.



Ce ne sera finon bien fait de traicter vn peu de la grace conuenable à toutes ces moulures, dequoy les ornemēs particuliers se font. Elles se nōment en premier lieu, la corōne, le taillouer ou tuy-
leau




IONIQUE SELON LA DOCTRINE DE VITRUVVE.

Le moy, le bozel ou membre rond, le fillet ou petit quarré, la naffelle ou canal, la goule droicte & la goule renuerfée, que lon dit en vn mot acolumne. Or chascune de ces mouleures est vn lineamēt de telle nature qu'il se iette aucunemēt en dehors, mais par diuerfes façons de faire: & qu'ainfi soit, le traict de la corōne represente la lettre latine L. & n'est point d'autre sorte que le petit quarré, sinon qu'elle est plus large. Le taillouer se reiette beaucoup plus en dehors qu'icelle platte bande.

PLAN DV CHAPPITEAV IONIQUE.




IONIQUE.




Quant au bozel l'ay esté en doute si ie le deuoye nommer L.yerre, à raison qu'il s'attache en faisant la saillie, & est la figure de son forget ne plus ne moins qu'un C. mis au-dessous la lettre, comme vous pourrez voir ^L. Le petit carré aussi est pareil à une estroite liziere, & quand ce C. se met à rebours dessous la lettre L. ainsi que pouvez voir figuré ^L il fait un canal ou nasselle: mais si l'aduiant que sous ceste L. on applique une S. en la mode que ie vous mōstre ^S cela se peut dire goule droite, & goule renuversée, autrement gozier, considéré qu'il a toute la façon d'un gozier d'homme. Mais si on la met dessous L. gisant à l'envers en ceste sorte, ^L, cela pour la semblance du ployement appellera vnde ou doucine. D'auantage les particularitez de ces mébrures sont, ou toutes plaines, ou taillées à demy bosse: car sur la cornice platte on y met des coquilles, des oyseaux, ou des lettres, suyuant le plaisir du seigneur de l'ouurage. Aussi on y fait des dentilles, la raison desquelles est, que leur largeur porte iustement la moitié de leur hauteur, & le vuyde d'entredeux ait deux mesures de la largeur partie en trois. Le rudent ou bozel se fait à oualles, ou bien se recouure de feuilles. Et si c'est à oualles, aucunes fois sont les œufz tous entiers, & aucunes fois coupez par le bout d'en haut. Sur la liziere ou platte-bande, au dessous on y met des billettes ou colanes, comme de perles enfilées. Mais quāt à la doucine du taillouer ou couuercle, i'amaise ne se reueit sinō de fueilles: mais le petit carré se fait tousiours tout plain. Voyla certes quelle est la raison pour cōiindre & approprier ces moulures ensemble. Et fault necessairement que celles qui sont dessus, ayēt tousiours plus de saillie que les autres de bas. Aussi est à noter que lesdictz petitz quarrez separent ces membrures les vnes d'avec les autres: & à bien dire, leur seruent de ligne viue, qui est la forme superieure de chascune particularité. Mesmes aussi quād on les void, de frōt, ilz adoucissent & distinguent les entretailleures des ouurages: parquoy raisonnablemēt leur est donné en largeur la sixiesme partie du mēbre à qui on les adioint, voire fussent dentilles: ou oualles: mais si c'est en doucine, on leur baille voluntiers la troisieme partie.


Ceste colonne Dorique y cōprins la stilobate & toutes ses parties, soit diuisee en douze: une d'icelles sera le diametre du troncq de la colonne, puis la douzieme d'en haut ^{A. C.} soit diuisee en six, reste vne diametre, & cinq d'icelles parties du diametre ^{A. C.} Pour lesdictes hauteurs de la colonne: La verge de la colonne y comprins la base & chappiteau a sept diametres de hauteur, comme est cy deuāt dict, au texte. Aucunes à l'antique sept & demie, autres huit, selō les lieux & endroitz qu'ilz seront appliquez. Pour auoir le diametre elle se diuise en autre maniere comme la Dorique du deuxiesme fuillet: la hauteur se diuise en sept, sans y comprēdre l'astilobate. Puis une d'icelles soit diuisee en sept parties, cinq & demie font le diametre du troncq de la colonne par bas, comme voyez par la figure. La mesure de l'astilobate se fera en ceste maniere, trois diametres du troncq de la colonne, fera la hauteur de la stilobate, diuisez la hauteur de la stilobate en sept pars, une part sera pour la base, une pour la coronice de la stilobate. Partisiez le diametre marqué ^{A.} en quatre parties, deux d'icelles avec le diametre font la largeur de la stilobate: comme voyez sur le diametre ^{A.} Puis soit diuise la base au poinct ^{B.} en deux parties, une pour le plinthe, l'autre soit diuisee en trois, deux pour le tore, la tierce pour le fillet: l'autre base marquée au poinct ^{C.} soit aussi diuisee en deux parties, dōr l'une sera le plinthe, la seconde diuisee en deux, dōr l'une partie soit donnée au tore d'embas. Et l'autre soit diuisee en trois, deux pour le tore, la tierce pour le fillet: chascune saillie soit en son carré. La coronice de la stilobate au poinct ^{D.} soit diuisee en cinq parties, une pour l'astragale, deux pour la coronice, & deux pour la plinthe, qu'il fault diuiser en trois, une pour la petite cymaise de dessus le plinthe. Qu'il fault encores diuisee en trois, deux pour la petite sime, une pour le fillet au poinct ^{D.} La base de la colonne qui se pose sur la stilobate est du demy diametre du troncq de la colonne de bas: la hauteur soit diuisee en trois, une partie pour le plinthe, le reste depuis le plinthe, soit party en quatre, une partie soit donnée au tore de haut: depuis le plinthe iusques au tore de haut, soit diuisee en deux parties egales, une sera donnée au tore d'ēbas, l'autre au trochille. Entre les deux tore soit diuisee en sept parties, deux d'icelles serōt données aux deux petitz quarrez ou liziere, l'une pour le haut, l'autre pour le bas. La liziere ou petit carré de l'empietemēt de la colonne se fera en ceste maniere. Partisiez le dia-

COLONNE DOKIQUE.





mettre en quatorze parties : prenez la moitié pour la largeur, & l'autre moitié pour la faillie & le residu. La faillie de chacun membre se fera ainsi qu'il est notté en la figure du prophile de la base marquée au point A. au cinquième fuillet. Le retresissement de la colonne se doit faire selon la hauteur que l'ouurier le doit mettre en œuvre, comme vous voyez par les cinq figures du dernier du liure amplemēt deduit, & qu'il est dict par cy deuant. La hauteur du chappiteau. E. F. est la moitié du diametre de la colonne d'embas. Partissez icelle hauteur en trois, vne pour la frize au point E. l'autre pour l'eschine au point G. la tierce partie pour le taillloer au point H. lequel diuisez en trois, vne pour la sime, & les deux serōt pour le taillloer. La tierce partie de l'eschine ou face seront faictz les trois petitz anneaux ou carquans au point I. La faillie du chappiteau se fera que chascun membre portera son quarré. La hauteur de l'espistille ou architraue sera du demy diametre de repietement du troncq de la colonne. Partissez icelle hauteur en sept parties, l'une d'icelles parties sera le tenia au point I. La hauteur de la phrise ou zophore, se fera en ceste maniere : Diuisez l'architraue en deux, les trois seront la hauteur de la phrise : diuisez vne d'icelle tierce partie en trois, sera la bande ou liziere dessus le trigliphe marqué au point O. La hauteur depuis l'architraue iusques au fillet du point O. soit diuisé en trois parties, dōt les deux seront la largeur du trigliphe, les trois sa hauteur. La largeur du trigliphe soit diuisé en douze parties, deux d'icelles pour les plinthes : & deux foyent donnez aux canaux. Et le tout partir esgallement, ainsi qu'il est amplemēt notté aux figures cy deuant de l'ordre Dorique du quatriesme fuillet. Puis diuisez la hauteur de l'architraue en six parties, vne d'icelles sera donnée à la hauteur des guttes qui




font pendues audeffous du trigliphe, diuisez icelles guttes en en quatre parties, l'vne d'icelles sera le fillet dont elles dependent. La cornice sera de la haulteur de l'architraue; icelle haulteur soit diuisée en deux parties, la premiere M. N. soit diuisée en quatre parties, vne pour la sime M. deux pour la couronne: l'autre partie du residu, est pour la sime F. qui est posé sur la bade ou liziere du Zophore: la seconde partie se donne à la sime E. qu'il fault diuiser en sept parties, l'vne d'icelles parties est pour le fillet ou liziere dessus la sime B. la haulteur de la sime soit fait en quarre pour sa saillie. La haulteur de l'architraue soit diuisée en trois parties, deux d'icelles marqué A. B. seront la saillie de la couronne A. B. Pour l'enrichissement du plat-fons pendât sur iceulx triglyphes: la saillie d'icelle couronne A. B. soit diuisée en vingt parties, deux soient données aux bandes ou lizieres, quatre d'icelles parties pour les guttes ou petit rond, que la longueur d'iceulx petits rondz soit de la largeur d'un trigliphe C. D. le reste de l'enrichissement qui doit estre entre iceux triglyphes: soit prins la haulteur de la frize au poist D. E. pour la logueur: Les deux petits quarrez loguet, à chascun bout de la pointe du rombe ou lozeuge, soit fait d'une tierce partie de la largeur d'un trigliphe F. G. comme voyez par la figure presente.

La coronice enrichie de ses mutilles ou modiglions, se fait d'une autre mesure que la precedente, partissez l'architraue en trois parties, quatre de celle partie seront pour la hauteur de la phrize, la coronice aura pareille hauteur: la hauteur de la phrise soit diuisee en dix parties, l'une d'icelles fera la bande ou liziere dessus le trigliphe au point *o*. Le tenya & leguttes, petit fillet dessous icelluy trigliphe se fera de pareille mesure cy deuant dict, la hauteur de la coronice soit diuisee en neuf parties, dont les deux dicelles parties se donneront aux faces *r*. de dessous le chigne *e*. ou tore, qui fault diuiser en six au point *c*. *d*. vne dicelle pour le fillet ou liziere, trois pour la face de dessous, deux pour l'autre face inferieure, vne partie des neuf sera donnee au tore *e*. deux aux mutilles *a*. ou modiglions, deux à la couronne *g*. dessus les modiglions, deux autres d'icelle partie à la sime *h*. Puis diuisez iceulx modiglions en trois, vne partie sera pour la petite sime qui est sur iceulx mutilles, que partirez encores en trois, vne pour le fillet, le residu pour la petite sime. Le fillet ou liziere dessus la sime sera de telle mesure qu'il est cy deuant dict. La saillie ou proecture d'iceulx mutilles, se fait de la troisieme partie de la hauteur de la phrise, à prendre du point *m*. *n*. La face d'iceulx mutilles marquée au point *a*. se fera de la largeur des deux herettes des deux demy canaux du trigliphe, comme voyez par la figure *a*. *e*. Le plat fons pendant sur iceulx modiglions enrichy des sagettes de fouldres & rozasses entre les mutilles, sera de telle mesure, qu'il ne passera la largeur d'iceulx modiglions, comme voyez par la figure marquée *a*. *b*.

DES CHAPPITEAUX DORIQUE, IONIQUE, CORINTHE ET ITALIQUE.

LE retourne maintenât aux chappiteaux, & dy que les Doriés feirét le leur aussi hault seulement que la base, laquelle hauteur ilz diuiserent en trois parties, dôt la premiere fut donnée au taillouer, la seconde au vase ou balancier, & la tierce à la frise ou gorgin du chappiteau estant soubz ledict vase. La largeur de ce taillouer eut d'estendue en son




J'AY PRINS CESTE VOLVTE IONIQUE AV VITRVE
*qu'a traduit Daniel Barbaro, Gentilhomme Venetien, à fin de ne frauder personne de sa due louenge,
 i'ose bien dire, que homme ne l'a point faicte selon l'entente de Vitruue, tournée si parfaictemēt bien
 que ceste cy, dont merite grand louenge & remerciement aux studieux d'Architecture.*

quarre, le diametre tout entier avec vne sixiesme partie du demy diametre de l'empietement de la colonne. Les membrures de ce taillouer sont, la cymaïse, autrement doulcine, & sa plattebande, ou latastre. Ceste cymaïse comprend en soy la moulure qui se faict d'une goule droicte, & d'une renuersée, & a de hault deux parties de cinq, en quoy le taillouer est mesuré. Le fond du vase ioinct aux lignes extremes de son couuertouer, & au bas de ce vase, il y a trois petitz anneaux platz, que lon appelle armilles ou carquans: dessoubz lesquelz aucuns ouuriers mesfrent pour ornement vn petit colleriz amortissant contre la frize ou bien gorge du chappiteau. Ceste moulure, pour bien faire, ne doit auoir plus de haulteur que la tierce partie de son vase, & se doit amortir au diametre de la gorge ou encolure du chappiteau, (ic dy par ou il ioinct au nu de la colonne) mesmes ne passer l'estendue de ce nu par en hault: car ordinairement cela s'observe en toutes manieres de colonnes.

En verité par ce que j'ay peu congnoistre en recherchant les traitz des bastimens antiques, aucuns ouuriers entre-autres donnerent de haulteur au chappiteau Dorique, le demy diame-

PLANDV CHAPPITEAV IONIQUE DV
TEMPLE DE FORTVNE VIRILE.




Or venons maintenant au chappiteau Ionien. Sa haulteur se doit faire esgale au demy diametre de la colonne par embas, puis vous la partirez en dix- & neuf parties, desquelles vous en donnerez trois au couuertouer, quatre à l'escorse ou plattebade, d'où procede la volute, six au vaisseau: & puis les six restées au cõtournemēt de la volute qui se retourne cõtremôt. La largeur de ce couuertouer soit en tous


sens pareille au diametre de l'empietement de la colonne. La largeur aussi de l'escorce ou plattebande, qui prend depuis le front du chappiteau iusques au derriere, sera esgalle à celle du couuercle : & sa longueur pendra sur les costez, ou elle se tortillera en forme de limasse : le nombril ou centre delaquelle estant au costé droict, sera distant du gauche son pareil par vingt & deux modules, mesmes sera ce nombril iustemét entre treze d'iceulx, à compter depuis le plat fond du couuercle iusques au dernier point. Et pour faire ceste limasse ou volute, vous y procederez en ceste sorte.

Dessus la ligne à plomb, enuiron le milieu, faites y vn petit rond, duquel le demy diametre cōprenne vn module d'estédue, après marquez vn point desoubz ; autant dessus, & encores deux entre deux. Cela fait, mettez le pied ferme de vostre cōpas sur celluy qui est plus hault que le centre, & l'autre pied mouuant iusques soubz le fond du couuercle, puis tournez contrebas, tant que vous arriuez au dernier point de treze, pour faire vn demy cercle iustemét, qui responde au niveau du centre.


Adonc restraignez le compas, & appliquez le pied ferme droict sur le petit point marqué en fond de l'œil, & le mobile prenne au bout de la ligne ou le grand demy cercle se fera terminé, puis le tournez en contremont : & ce faisant par deux demiz ronds impareilz, vous aurez formé vn chantournemét de limasse, adonc continuez ainsi iusques à ce que vous retrouviez la circonference du petit rond fait au milieu, & vous aurez par bon art ordonné la volute, comme vous pourrez plainement veoir en ceste figure precedente.

Le bord du vase s'accoustre de maniere que depuis l'escorce il se reiette en dehors gardant rondeur, & aist de faillie deux modules sans plus : mais aduisez que l'admortissement se rapporte bien droict au nu de la colone par en hault. Les ceintures ou doublemens des volutes qui viennent conioindre aux parties de deuant sur les costez du chappiteau, seront tousiours plus grosses au commencement, qu'au mylieu & à la fin. L'espoisseur du premier demy cercle se prendra sur le bord du vaisseau, y adioustant vn seul demy module. Pour l'ornemét du couuercle on luy fera vne Cymaise ou doulcine, ayant sa goule d'vn module & demy, & sera encauée en forme de canal, iusques en profondeur d'vn seul demy module : & la largeur du petit quarré l'environnât sera d'vne quarte partie de ce canal : puis au milieu du front, & dessous la nasselle, seront taillez des fuillages & fruietz. Au parties du vase regnantes sur les frontz y aura des Ouales, & soubz celle-la des billettes. Les rouleaux des costez seront bien reuestuz d'escailles ou de fucilles. Voila comment il fault faire le chapiteau Ionique.








Mais pour venir à celluy de Corinthe, sa haulteur comprend le diametre tout entier du bout d'embas de la colonne: & la fault diuifer en sept parties esgales, dont l'une se doit donner à l'espoisseur du taillouer ou latastre, & les autres six restantes au vaisseau, le fond duquel se rapportera iustement au nu de la colonne par en hault, non compris en ce le gorgerin, qui doit auoir tant de saillie que son extremité se rapporte à la grosseur de la colonne par embas. La largeur du taillouer doit auoir dix modules d'estendue, d'ot il fault tailler en biais les cornes de tous les quatre coingz, seulement d'un demy module: qui n'est pas ainsi qu'aux taillouers des autres chappiteaux, car ceulx la sont formez entierement de lignes droictes: mais lesdictz de Corinthe, dont nous traictons presentement, se cambrent en dedans, de sorte que leur concauité se reduit au bord du vaisseau, qui doit poser sur le nu de la colonne. La cymaise de ce taillouer emporte seulement vne tierce partie de son espoisseur. & ses mouleures sont semblables à celles du gorgerin que nous mettôs au bout d'en hault d'une colonne. La plattebande & le petit quarré ceignent le vaisseau qui est à deux haulteurs de fueillage, en chascun desquelz y a huit feuilles, d'ot celles du premier sont de deux modules en haulteur, & autant portent les secondes: le reste de la mesure est donné aux vrilles qui sortet hors les gousles de ces feuilles, & montent contremont iusques au bord du vase au dessoubz du taillouer. Le nombre de ces vrilles est seize, à sçauoir quatre de chascun costé ou face du chappiteau, ou elles sentortillent de bonne grace, deux à droict, & deux à gauche, mesmes se iettent en dehors en façon de volute ou limasse, huit soubz les cornes du taillouer, & huit soubz les rofaces. Mais celles la se ioignent, & sont ainsi qu'une Cartoche double. Ces rofaces dont ie vien de parler, semblent sortir du vase, & n'excedent ia mais l'espoisseur du taillouer, ains les y void on de front iustement contre les mylieux, comme si elles y estoient placquées. Le bord du vase qui represente vne liziere ou plattebande, se void tout à l'entour du ród, si ce n'est ou les vrilles le cachent. Toutesfois il fault estimer que ce bord est compris en la mesure. Les crespelures des fueillages doiuent auoir cinq ou sept doigts de distace de l'un à l'autre: & leurs contournemens d'en hault se doiuent reiecter en dehors, & pendre cōtrebas d'une demie partie de module. En verité c'est vne belle chose, & digne d'estre obseruée, tāt en la resente des feuilles de ce chappiteau Corinthiē, qu'en toutes autres entretailleures, que les traictz soyent cauez bien en profond. Et voila comment se doit conduire l'ouurage de Corinthe.



CEST ORDRE IONIQUE EST AV THEATRE DE MARCELLVS A ROME.




CHAPPITEAV IONIQUE ANTIQVE.




Quant est des Italiens, ie dy qu'ilz ont assemblé en leurs chappiteaux, tous les ornemens qui se treuvent aux autres, & que la raison de les faire n'est en rien dif- semblable à celle de Corinthe, tant en vase, taillouer, fueillages que rosaces: mais seulement en lieu des vril- les, ilz misrent soubz les quatre cornes du taillouer, des anses ayans de saillie deux modules entierement: & au bord du vase qui est nu en la mode Corinthien- ne; ilz y appriquerent ornement Ionique, duquel for- tent des gousles qui entrent, & se vont mesler parmy le contournement des vrilles, & à la liziere d'icelluy vase, faicte à oualles, ne plus ne moins qu'une coupe goderonée, & des billetes en son petit quarré au des- soubz.

Ceste colonne Ionique se diuise en douze parties, l'une d'icelle soit donnée pour le diametre du troncq de la colonne par bas, puis vn d'icelluy diametre soit diuisé en six, vne avec les douze diametres, fera la totalle hauteur. La deuxiesme colonne ou la coronice est enrichie de modiglions, se diuise en treize: vne d'icelle partie sera le diametre diuisé en cinq c. d. trois d'icelles avec les douze qui fera la hauteur de la colonne d'icelle partie. Encores elle se diuise en vne autre maniere sans la stilobate, comme vous voyez en la figure de la colonne cy deuant au premier feuillet de l'ordre Ionique. La hauteur soit diuisée en huit sans la stilobate. Puis vne d'icelle partie ie le diuise encores en huit, dont sept d'icelles parties font le diametre de la colonne: chose, à mon aduis estre tost abregée, pour auoir le diametre selon la hauteur que l'on le veult appliquer pour la dimétio de leurs parties. Or retournons à la premiere mesure de nostre colonne suiuant nostre figure: la hauteur du stilobate aura deux diametres du troncq de la colonne par embas, puis soit diuisé les deux diametres en six parties, l'une d'icelles soit donnée à la base du stilobate au point a. & vne autre partie à la coronice dudit stilobate, qui seroit huit parties pour ladicte hauteur. La base de la stilobate soit diuisé en trois parties, vne partie pour le plinthe au point a. Puis diuisez le reste en cinq parties, trois soient données à la fime: diuisez la fime en six parties, vne d'icelles fera le fillet dessus le plinthe, le reste des cinq parties qui s'ont deux soient diuisez en trois, deux



pour le tore, l'autre pour le fillet. La corionce d'en-hault de la flulobate au poinct A. soit diuifée en deux parties, dont celle d'en hault soit diuifée en trois, deux pour la face, la troisieme partie pour la fime: l'autre partie d'en-bas soit diuifée en trois, deux pour la fime, l'une d'icelle soit diuifée en trois, l'une partie sera le fillet, l'autre partie des trois sera donné pour le tore de deffoubz la fime, Chascun membre doit auoir fa faillie, comme voyez par la figure marquée A. La haulteur de la bafe aura le demy diametre du troncq de la colonne par bas: fa haulteur soit diuifée en trois pars, vne sera donnée pour le plinthe: Puis le reste despuis le plinthe soit diuifé en trois, l'une d'icelle fera le tore superieur, le refidu depuis le deffoubz du tore iufques deffus le plinthe soit diuifé en six parties efgalles, les deux feront données pour les astragalles du meillu, vne pour le fillet de deffoubz le tore, & la moitié pour le fillet de deffus le plinthe. Mais les filletz ou lizieres qui font deffus les astragalles est vne moitié qui est deffoubz, qui contient vne partie entiere. La haulteur de la bande ou liziere qui est au deffus du tore, se fait en ceste maniere: diuifé la gressur de la verge du troncq de la colonne en douze parties, vne demie d'icelle partie sera pour la largeur & faillie de la bande ou liziere qui appartient au tronc de la colonne. La faillie des parties de chascun membre d'icelle bafe, se fera ainfi qu'il est amplement notte en la figure de la bafe Ionique cy deuant. Le retrecissement de la verge de la colonne, sera d'une part & d'autre d'une douzieme



E ii

...ne fera aussi haulte que la face du meillieu de l'architraue marqué a. Puis partif-
 a. z ceste haulteur en trois, sera la petite sime de dessus. La faillie ou proiecture d'icelle couronne
 aura quatre parties des neuf de la frize. Dessus la petite sime sera la coronice, qui sera aussi haulte
 comme la haulteur de la face moyenne de l'architraue marquée a. Puis partifsez icelle haulteur
 en sept, vne d'icelle sera donnée au fillet: la faillie de la sime aura son quarré. Il se fait vne autre
 diuision de coronice enrichie de modiglions, dont la colonne a. se diuise en quatre parties y cō-
 prins bases & chappiteaux avec la verge, dont l'vne d'icelle partie soit diuisée en dix, trois pour
 l'architraue, trois pour la frize, quatre pour la coronice. Et la haulteur d'icelle diuisée en trois
 parties, la premiere soit diuisée en deux, vne pour les dentillons b. qu'il fault diuiser en quatre,
 trois d'icelles seront les dentillons, la quatriesme sera la petite sime c. de dessoubz les dentillons,
 la seconde partie est pour l'eschine e. qui fault diuiser en quatre, le quart est pour le fillet. La fail-
 lie de l'eschine avec les denticules seront en quatre. Puis soit diuisée l'autre partie en deux, qui
 sont pour la haulteur des mutilles f. vne d'icelle sera donnée à la couronne g. qu'il fault diuiser
 en trois, le tiers est pour la sime des mutilles, qui seront aussi larges comme haultes, cōme voyez
 par la figure marquée c. & leur faillie sera deux fois la largeur. Le plat fons ainsi espaisé comme
 le demonstre la figure. La sime h. de dessus la petite sime de la couronne, aura la sixiesme partie de
 toute la haulteur de la coronice, lequel fault diuiser en six, vne d'icelle sera donnée pour le fillet,
 la petite sime le tiers de la couronne. Toute la faillie de la coronice sera sa haulteur le tout ainsi
 qu'il est notté à la figure.


DE L'ARCHITRAUE QVI SE MET SVR LES CHAPPITEAVX:
 ensemble des foliues, aix, tringles, modillons, tuiles plates, faistieres, canellures,
 & autres particularitez qui s'appliquent sur les colonnes.

EST ANS les chappiteaux posez sur les colonnes, on met l'architraue dessus, puis les so-
 liues, les aix, & autres telles choses cōuenantes à faire couuerture. Mais en toutes ces par-
 ticularitez, les nations sont bien fort différentes, specialement les Ioniens d'avec les Do-
 riens, & ce neantmoins ilz conuiennent en aucunes parties. Car quant à l'architraue, ilz le font
 de sorte que iamaïs son esquarrisseure d'embas ne passe le diametre d'enhaut de la colōne, mais
 bien donnent ilz à la superficie autant de large cōme en porte l'empietement de ladicte colōne.

NOVS appellons cornices les parties d'amont qui ont faillie au dessus de l'architraue: & en
 celles la, le plaisir des ouuriers antiques fut, qu'autant que chascune membrure seroit haulte, au-
 tant eust elle de forger. D'auantage ilz voulurent faire ces cornices penchantes en deuant d'vne
 douziemes partie de leur mesure, à raison qu'ilz auoient trouué par experiences, que si on les tiét
 toutes droictes, il semble à la veüe affoiblie qu'elles se reiettent en arriere.

Les Doriens feirent donc leur Architraue de non moindre haulteur que la moytié du diame-
 tre de la colōne par embas, & le partirent en trois faces, la plus basse desquelles ilz ornerent de
 certaines petites tringles, & chascune ayant soubz soy six fiches pour mieux arrester les foliues,
 dont les tenons entrans par mortaises iusques oultre la plus haulte partie de l'architraue, se ve-
 noient renger à l'encontre d'icelles tringles, & ce faisoiet ilz, à fin que ces foliues ne peussent ren-
 trer en dedans. Et est à noter que les ouuriers compartirent premierement toute ceste haulteur
 d'Architraue en douze modules, sur quoy deuoient estre prises toutes les autres mesures ensui-
 uantes. A la premiere ou plus basse partie ilz luy donnerent quatre modules, six à ceste la du mi-
 lieu, & deux à la plus haulte, puis de ces six de celle du milieu, la valeur d'un estoit donnée à la trin-
 gle, & vn autre aux fiches de dessoubz. La longueur de ces tringles portoit douze modules, &
 l'espace estant entre deux d'entre elles en cōprenoit seulement dix huit. Sur les Architraues s'as-
 sioient les foliues, dont les frontz coupez en ligne perpendiculaire ou à plomb, se iettoient en
 dehors d'un demy module en faillie. Leur largeur estoit correspondante à la haulteur du sommier
 surquoy elles posoiét, & auoient de hault vne moitié toute entiere plus que ledict sommier, si
 que cela montoit à dix huit modules. Au front ou face de ces foliues se merquoient en ligne per-
 pendiculaire trois entailles egalement distantes, & traissées à l'esquieure, dont l'ouuerture cō-
 prenoit vn module: & despuis leurs viues arestes retournant en dedans, cela estoit rabaisé en bi-
 zeau iusques à demy module de chascun costé. L'espace cōcaué entre-deux de ces foliues, (s'il fal-
 loit faire l'ouurage riche) se remplissoit de tables egalement larges, & le milieu de ces foliues
 respondoient iultement aux centres des colonnes à elles supposées. Mais (comme nous auons
 desia dit) les boutz d'icelles foliues passoient oultre la face de muraille d'un demy module seule-
 ment, & lesdictes tables placquées entre-deux respondoient à la viue areste de la moulure du
 sommier

MESVRE DE PORTE IONIQUE CONVENABLE AVX
 Temples selon les bons Architectes Doriens, Ioniens, & Corinthiens.





sommier qui les soustenoit.

En ces tables estoient taillées des testes de bœuf des basins, ou telles autres fantaisies: & sur les boutz d'hault des folies, mesmes sur icelles tables, se mettoient des tringles larges de deux modules pour seruir des cymaïses. Puis cela despeché, s'appliquoit par dessus vne liziere l'arge de deux modules, en quoy estoit taillée vne doucine. A l'opposite par dedās œuvre se mettoit le paué, iusques à la haulteur de trois modules, dont vne des parties est faicte à ouales, pour représenter (à mô aduis) les cailloux du paué, qui esboulent aucunesfois par trop grande redondance de mortier.

Encores par dessus tout cela y mettoient ilz des modillons aussi larges que les folies, & aussi haultz que le paué, mesmes respondans piece pour piece en ligne à plomb de chascune folie: mais ilz auoient douze modules de saillie, & estoient leurs frontz entailliez en lignes perpendiculaires, garniz de cymaïses & goules droictes ou canaulx, chascune desquelles goules portoit vne moitié & vn quart de son modillon. Dedās les platzfons qui se môstroient pendans sur iceulx modillōs, les ouuriers y faisoient des rosaces, ou des fucilles de Brâque vrsine, & autres enrichissemens à leur plaisir.

Par dessus lesdictz modillōs se posoit le linteau contenāt quatre modules, cōposé d'vne plattebâde, d'vne cymaïse & d'vne doucine, laquelle auoit pour sa part vn module & demy. Puis s'il faloit y mettre vn frontispice, il s'accordoit avec la cornice, par especial sur les angles, ou toutes les mouleures se rapportoient les vnes avec les autres, si bien



qu'il n'y auoit à redire. Toutesfois encore :
 differoit ce frontispice d'auec les cornices,
 que iamais on ne mettoit de larmier en sa
 haulte membrure, ains n'y faisoit on seule-
 mēt en ouurages Doriques fois vne cymai-
 se ou doulcine portāt quatre modules d'es-
 poisseur. Mais en cornices qui ne deuoient e-
 stre couuertes de frontispices, on y mettoit
 bien ce larmier : & de cēs frontispices n'en
 traictēray tantost. Voila comment les Do-
 riens en feircnt.

Quāt aux Ioniens, ie suis d'aduis que par
 bonne raison ilz ordonnerēt que sur haul-
 tes colōnes l'Architraue seroit de plus grā-
 de espoisseur, mais qui le voudra faire de la
 forme Dorique, ce ne sera sinon bien fait.
 Toutesfois voicy qu'ilz en conclurēt. Si les
 colonnes sur quoy il poseroit deuoient por-
 ter vingt piedz de hault, il falloit partir ce-
 ste haulteur en treize, & luy en dōner l'vne.
 Silz en deuoient auoir iusques à vingt &
 cinq, il leur en conuenoit vne douziesme, si
 trente, vne vnziesme : & ainli consequem-
 ment.


Or cest architraue Ionique doit estre de
 trois pieces, non compris la cymaise, & cel-
 les la se doiuent diuiser en neuf, dont ladicte
 cymaise en doit emporter deux : & pour
 moulure aura vne doulcine. Apres ilz diui-
 serent encores en douze ce qui estoit soubz
 la cymaise, & en donnerent trois mesures à
 la partie de bas, quatre à celle du milieu, &
 cinq à la plus haulte, amortissant soubz i-
 celle cymaise.

Si est ce pourtant qu'aucuns d'entr'eulx n'y
 voulurent point de cymaise dessus leur Ar-
 chitraue, mais d'autres en voulurent bien :
 quelques vns ausi se cōtenterēt d'vne gou-
 le droicte, portāt sans plus vne cinquiēme
 partie de sa plattebande, & les autres d'un
 petit quarrē nayant qu'vne septiesme. Au
 moyen dequoy vous trouuerez parmy les
 ceuures des antiques, ces moulures chāgées
 ou meslées, suiuant les raisons de diuerfes
 manufactures, lesquelles ne sont à blâmer :
 ce neātmoins entre toutes les autres, il sem-
 ble que tousiours ayent plus estimē l'Ar-
 chitraue de deux bandes que de trois : & de
 ma partie le tien pour Dorique, pourueu
 qu'on en oste les tringles & les fiches. Et
 voicy comme ilz le faisoient.


Toute sa haulteur estoit par eulx partie
 en neuf modules, dont ilz donnoient l'vn à
 la cymaise avec deux tiers de ce module.


La plattebande moyenne en auoit trois,
 avec semblablement sa tierce, puis la plus
 basse emportoit le reste. Celle cymaise a-
 uoit pour ses moulures vn canal ou nassē-
 le, comprenant la moytiē de son espace, &
 estoit d'un coustē garnie d'un petit quarrē,
 & d'un bozel ou membre rond de l'autre.

Plus en la plattebāde du milieu se mettoit



deffoubzle bozel, vn filet en lieu de cymaife, lequel portoit la huitiefme partie de toute la fufdicte plattebande: & à celle de deffoubz, estoit faicte vne goule droicte, portant la troiefme partie de fa largeur. Deffus cest Architraue ilz pofoiēt leurs foliues, mais les boutz ne s'en mōstroient point ainfi qu'en l'ouurage Dorique, ains les couppoiet dans le mafif, puis les recouuroiet d'une table cōtinuelle, que ie nomme bande royale, laquelle se vniffoit à niveau de la face exterieure de la muraille, & portoit autant de haulteur q̄ tout le corps de l'architraue eftā foubz elle. En fa superficie ilz y tailloiet des vases, ou autres choses appartenātes à facifice, mais par especial des testes de bœuf difposées par ſterualles, dōt les cornes estoient chargées de festōs à fruietz & à fucilles qui pendoient d'un costé & d'autre. Au deffus de ceste bāde royale ilz y mettoient vne cymaife, qui n'auoit que la largeur d'une doucine portant quatre modules pour le plus, & trois pour tout le moins. Apres ilz asseoyēt les aix pour porter le paué, lesquels auoient de faillie vn degré comprenant quatre modules d'espaisseur: & sur ic. uix aucū ouuriers formerent des bretures en guise de planthes faictes à la ſye: mais d'autres les voulurent tous vniz comme paffez foubz le rabor. Puis sur ces aix pōserent le paué ou des foliues en trauers, dōt les modillōs auoient conuenable faillie, & portoit chascū trois modules d'espaisseur. Les vuides ou entre-deux de quels, estoiet aornez d'ouales. La plattebande regnant deffus & ſeruant de frôteau auoit quatre modules





CEST ORDRE CORINTHE EST FAICTE EN MA
bre, & est du dedans du Pantheon, autrement dict la Rotonde à Rome.
J'ay bien voulu mettre icy par escript les hauteurs des principaulx
membres de ceste colonne, pour monstrier seulement la ma
iesté de ces excellens ouuriers en leurs œuvres.

La hauteur de
de la corniche
deux piedz vn-
ze poulces vne
ligne.

La hauteur de
la frise ii piedz
trois lignes &
demie.



La hauteur de
l'architrave ii.
piedz trois poul-
ces sept lignes.
La hauteur du
chappiteau iii.
piedz viii. poul-
ces.

La hauteur de
la verge de la
colonne a vingt
cinq piedz dix
poulces cinq li-
gnes, depuis la
bande ou liziere
d'embas iuf-
ques à l'estragal
au dessus, en y
comprenant la-
dicte liziere ou
bande d'embas.


Le tronc de ce-
ste colonne par
basa de diamet-
re trois piedz
deux poulces
vne ligne.

Le diametre du
bout d'en-haut
de ladicte colò-
ne deux piedz
dix poulces iii.
lignes.

La hauteur de
la base vn pied
quatre poulces
vne ligne.



ORDRE CORINTHEDV DEDANS DV PANTHEON
 AVTREMENT DICT LA ROTONDE A ROME.



haulteur: & l'autre encores estant plus hault, couurant & gardant de la pluye les boutz
 des modillons, comprenoit de largeur fix modules & demy. Les moulures qui les paroiēt,
 auoy s'escouloit la pluye, auoient deux modules en haulteur: & n'estoient composées fors
 d'une goule ou bozel. Pour l'accomplissement de tout, il y auoit vne doulcine de trois mo-
 dules ou quatre pour le plus, en laquelle, tant les Ioniens que les Doriques, appliquoient des tes-
 tes de lyon, pour seruir de gargoules à ietter les eaux: mais ilz prenoient garde sur tout à ce que
 lesdictes eaux coulant à bas, ne mouliaffent les hommes entrans au temple ou en sortans, ou que
 elles ne retournassent en dedans: & à ces fins estouppoient les gargoules, dont ce feult peu enlui-
 ure telle incommodité.


Fucille de Branque Vrsine, ou d'Acanthe.

Fucille de Laurier.



Au regard des Corinthiens ilz n'adiousterent aucune chose à l'œuvre des sommiers & leurs
 traouaillons, fors seulement qu'ilz ne recouuroient point les modillons ainsi que les Ioniens, &
 n'y faisoient point de triglyphes comme les Doriques, ains les ornoient sans plus d'une doulcine
 par le bout d'en hault, & leur donnoient autant d'espace entre l'un & l'autre, qu'ilz auoient de
 saillie hors la muraille: & en tout le reste des moulures suiuiuoient iceulx Ioniens.
 Et ne fera que bon de parler de l'origine des piedz d'estal, ces excellens Architectes, leur aduint
 que ne trouuant tousiours pierres assez longues pour leur affaire, furent contrainctz de mettre
 en leurs ouurages des colonnes plus petites que le deuoir: mais voyant que cela n'auoit la grace
 qu'ilz eussent bien voulu, Raïson leur apprint à mettre des piedz d'estal dessoubz à fin de les cō-
 duire à la haulteur requise. Apres auoir contemplé & prins garde aux ouurages, ilz trouuerent
 euidentement que les colonnes n'estoient gueres plaisantes es portiques, si on ne les leuoit à cer-
 taine haulteur, & qu'elles ne fussent de mesure conuenable. A la verité qui se peult passer d'y en
 mettre, la tige de la colonne en est bien plus plaïfante & superbe.


Le chapeau Comme se d. la
colonne du dedans du Pantheon,
autremēt diēt la retonde à Rome,
ayant telle proportion & mesure
comme voyez la prestee figure.



Les tiges de ces colonnes exposées en l'air ouuert, se montrent beaucoup plus menues que celles qui sont en lieu sombre: & plus sont elles canelées, plus se redent elles grosses à la veüe. A ceste cause, faictes celles des coingz tousiours plus massiues ou plus canelées que les autres, puis qu'ainfi est, qu'elles sont plus subiectes à la lumiere. Ces canelures se font, ou tout du lóg de la colonne, ou en tournant ainfi qu'une limasse; mais les Doriens les font volontiers en montant droict à mont: & celles là entre les Architectes se nomment coustumiérement stries. Vray est, qu'iceulx Doriens n'en mettoient iamais plus de vingt sur vn corps de colonne: mais toutes les autres natiós y vouloient vingt & quatre, combien qu'aucunes distinguoient ces canelures par vne liziere ou quarré entre-deux, laquelle ne portoit moins de vne tierce partie, ny plus d'une quarte en largeur du vuide d'une des canelures qui se cauoient tousiours en demy ród: & qu'aux Doriens, ilz n'y faisoient point de liziere, ains les menoient à vue areste, & le plus fouuét toutes plaines: & s'il aduenoit qu'ilz les creussent, c'estoit sans plus de la quarte partie d'un cercle, encores les arestes s'entretochoient. Aucuns aussi emplissoient de rudétures la tierce partie des stries, respondant deuers l'empietement de la colonne, & ce pour donner ordre que les arestes interposées ne s'en rompissent pas si tost, ains feussent moins subiettes à tous heurtz.

Certainement la canelure qui est menée tout au long de la colonne depuis le bas iusques au hault, fait que la tige s'en montre beaucoup plus grosse. Mais celle qui tourne en limasse, contraint la veüe à varier: toutefois tât plus sera sa façon approchante de la ligne perpendiculaire, plus en apparoitra la colonne massiue.

Ie n'ay voulu mettre les hauteurs que j'ay mesuré, sinon à ces deux ordres Corinthhe, celle de la Rotonde, & l'autre des trois colonnes allant du Capitole au Colizée. Et l'autre ordre Ionique qui est au temple de Fortune virile, seulement pour donner à cognoistre leurs maiesté de grâdeurs & hauteurs aux léc-teurs. Et la reste des colónes qui est de moindre hauteur, ie n'en ay rien voulu mettre par escript de ce que j'en ay mesuré, pour autant que ie les ay reduictz, le mieux qu'il m'a esté possible selon la doctrine de Vitruue, & aussi qui ne font de si grâde apparâce de hauteurs.




Cest ordre Corinthhe est à Rome allant du Capitole au Colizée faict de marbre, & n'est demeuré entier en nôbre que de trois, qui se peuvent veoir à present, & pour considérer seulement la maiesté de ses hauteurs io les ay mis icy par escript pour leurs principaux membres.

La hauteur de ceste colonne y compris la liziere d'embas & l'entregal par haulta trête six piedz quatre poulces sept lignes.

Le diametre par en-hault trois piedz huit poulces huit lignes.

La hauteur de la base deux piedz deux poulces neuf lignes & demie.

Cest ordre Corinthe est à Rome allant du Capitole au Colizée.




Le chapiteau a de hauteur quatre piedz neuf poules, y compris la bacque, ou bien taillé.

La hauteur de la corniche quatre piedz vne poules deux lignes.

La frize a de hauteur trois piedz quatre lignes.

L'architrave a de hauteur trois piedz.

Il suffira du reste des mébre & faillie: car ilz y sont tous réduits par mesure comme voirrez.




La hauteur de la colonne Corinthe y compris tous ses aornemens, soit diuifé en quatorze parties, dont l'une d'icelle fera le diamettre du troncq de la colonne. La deuxiesme colonne ou la coronice est enrichie de mutilles ou modiglions, & est partie d'une autre diuifion que ie delaisse, pour autant que la figure le demonstre. Encores elle se diuife d'une autre maniere sans la stilobate, comme voyez en la colonne de l'ordre Corinthe du premier fueillet, sa hauteur soit diuifée en neuf; puis fault diuifer vne d'icelles en neuf, sept & vn quart d'icelles parties est le diamettre de la colonne. Or venons à nostre premiere mesure, le stilobate aura de hauteur deux diametres & demy de la colonne par embas, qui fault diuifer en sept parties, vne partie sera la hauteur de la base du stilobate, vne autre sera pour la coronice du stilobate. La base du stilobate marqué s. sa hauteur se doit partir en cinq pars, les deux seront pour le plinthe, le reste depuis le plinthe soit party en quatre, vne sera pour le tore, deux pour la fime, le reste pour l'estragalle de dessus la fime qu'il fault diuifer en trois, le tiers est pour le fillet: la faillie de la base aura la sixiesme partie de la largeur du stilobate, chascun membre aura sa faillie en son quarré, comme la figure le demonstre. La hauteur de la coronice du stilobate soit diuifée en deux, la premiere partie sera pour la face avec la fime, qui fault diuifer en trois, le tiers est pour le fillet de la fime, la deuxiesme partie se diuife en cinq, vne partie sera l'inférieur tore ou astragalle, vne pour la phryze, vne autre pour le petit anneau avec son fillet, les deux autres pour l'eschine de dessous la face. Chascun membre aura son quarré, comme il est notté en la figure marquée A. La colonne Corinthe avec sa base & son chappiteau à neuf fois son diamettre par bas de hauteur. La hauteur de la base a vn demy diamettre, lequel fault diuifer en quatre parties, vne d'icelles sera le plinthe, les trois parties qui restent soient diuifées en cinq, dont vne partie sera le tore d'enhaut. Puis diuifez depuis le plinthe les cinq parties en quatre pars, vne d'icelle sera pour l'inférieur tore de dessus le plinthe: La hauteur entre les deux tore soit diuifée en douze pars, les deux seront les deux astragalles du milieu, la moitié fait le fillet de dessous le tore supérieur, l'autre moitié fait le fillet ou liziere de dessus les astragalles, vne autre moitié fait le fillet de dessous les astragalles, la liziere ou fillet de dessus la base de la verge de la colonne. Partifsez le diamettre d'icelle colonne




colône en douze parties, la moitié d'une d'icelle soit donnée à la lizière ou bade. Puis pour le retresissement de la verge de la colonne, partifiez le diamettre en douze parties: vne part de chacun cousté sera le retresissement de la verge: toutesfois vous aurez recours aux haulteurs ou doiuet estre appliquées pour leur retresissement, comme est dict cy deuant. La haulteur du chappiteau est aussi haulte comme le diamettre du troncq de la colonne par embas. Puis fault partir icelle haulteur en sept: vne d'icelle fera la bacque ou taillouer: la haulteur du taillouer soit partie en trois, vne d'icelle soit donnée à la cymaise ou eschine du taillouer, & ait autant de faille cōme la base, qui est la ligne perpendiculaire du stilobate: soubz l'abacus sera le gorgerin ou face, vne tierce partie d'une septiesme de la haulteur du chappiteau, & autant de faille comme le bas de la verge du troncq de la colône. Puis partifiez la haulteur du vaisseau, depuis le desous de l'abacque en trois parties: l'une d'icelles fera pour la haulteur des fueilles embas, l'autre pour la secōde de dessus, le tiers pour les vrilles: le desous depuis l'abaque iusques audeffus du deuxiesme estage d'icelles fueilles, soit diuisé en six, trois d'icelles serōt pour les vrilles ou volute, deux pour le fleuron de desous la volute: la pente des fueilles soit donnée ainsi qu'il est notté en la figure du deuxiesme fueillet de l'ordre Corinthhe. Le carquan ou tenya de la verge de la colône desous le chappiteau, aura de haulteur vne douzieme partie du diamettre de la colône: vne soit


diuifée en trois, le tiers fera pour le fillet, les deux parties feront données à l'aſtragalle ou carquan: la faillie ſoit du retreſſiſſement de la verge de la colonne, ſe fera comme la Ionique: le plan du chappiteau ſe faiſt en ceſte maniere, vous ferez vn cercle qui ſera le diamètre du tronc de la colonne d'embas, que partirez en quatre par deux diamètres, puis ferez vn quarré de la largeur du diamètre, & à l'angle du quarré ſera faiſt vn autre cercle, duquel ferez vn quarré, & icelluy fera toute la faillie de l'abacque ou taillouer: puis metez la reigle ſur la ligne du diamètre qui partit le quarré en deux, marqué au poinct *a*. & ſur l'angle du quarré du diamètre, & ou attouchera la reigle ſur la ligne *a*. faut mettre la poincte du compas: puis ouurez le cōpas iuſques à la faillie de la face ou gorgerin de deſſoubz l'abacque. Puis faiſtes vn cercle iuſques ou attouchera le grand quarré, & ainſi aura la cambrure ou concauité de l'abacus. Il ſe faiſt en d'autres manieres, mais mō aduis eſt en ceſte ſorte pour le plus facile: toutes les faillies & meſures ſont notées clairement aux figures, tellement qu'il n'eſt beſoyn de plus long lāgage. Le retreſſiſſement de la colonne eſt comme la premiere Ionique, & eſt ſtryé comme la Ionique. Aucuns architectes Doriés n'ont iamais mis plus de viſt caneleures ſur le corps de la colonne: Aucuns ont voulu qu'il y en ait eu vingt quatre, qu'ilz ont ſeparé par vne liziere ou bande entre deux, qui ne portoit qu'une quarte partie de la largeur du vuide d'une des caneleures, comme diſt eſt par cy deuant, & qu'il eſt noté aux figures. La haulteur de l'architraue aura le demy diamètre du troncq de la colonne par embas, qu'il faut diuiſer en ſept parties: l'une d'icelles eſt la ſime, laquelle ſe diuiſera en trois, vne au fillet, deux à la ſime: le reſte de l'architraue ſe diuiſe en douze parties, dont les trois parties ſont données à la face inferieure, quatre à la face du milieu, & cinq à la face d'en hault. Puis faut diuiſer la ſuperieure face en huit parties: vne d'icelles ſoit donnée à la petite eſchine ou aſtragalle deſſoubz la face. Puis ſoit partie la moyēne face en huit: vne d'icelles ſera la petite eſchine, & chaſcune face & eſchine aura ſa faillie, telle qu'il eſt noté à la figure du deuxieſme feuillet de l'ordre Corinth. Puis partiffez la haulteur de l'architraue en quatre: cinq d'icelles



les seront la hauteur de la frize, la huitiesme partie de la hauteur de la frize, vne d'icelles soit donnée à la sime, laquelle se diuise en trois, vne pour le fillet, deux pour la sime. La hauteur de la face des denticules de dessus la sime soit aussi haute comme la moyenne face de l'architraue marquée A. Lequel fault diuiser en sept, l'vne d'icelles sera le fillet. Les denticules ont autant de saillies cōme de hauteur. La deuxiesme partie du tiers de la hauteur des dentillons soit donnée pour la largeur, & l'espace de l'entredeux soit donnée pour la demie largeur. L'eschine de dessus les dentillons doit estre aussi haute cōme l'inférieure face de l'architraue marquée A. La hauteur de la courōne dessus l'eschine doit estre aussi haute comme la moyēne face de l'architraue B. qu'il fault partir en trois parties, deux d'icelles pour la courōne, & vn tiers pour la petite sime qui se met sur la face. Le tiers de la petite sime est le fillet: la hauteur de la sime ou coronice est d'vne septiesme partie plus grāde que la moyēne face de l'architraue marqué c. Vne de ceste partie est la bāde ou fillet de dessus la sime, sa saillie est vng quarré de sa hauteur. Mais la saillie de toute la coronice y adioustant deux fois la hauteur du fillet est en quarré. Il

se fait vne autre mesure de coronice, qui est enrichie de modiglions ou mutiles. L'architraue, la frize & la coronice sera de la hauteur de la quartie partie de la verge de la colonne, y compris la base & le chappiteau. Puis vne d'icelle partie soit diuisee en dix parties, trois d'icelles pour la hauteur de l'architraue, trois pour la frize, quatre pour la hauteur de la coronice. Puis fault diuiser la hauteur de l'architraue en sept, vne pour la sime de l'architraue, le tiers de la sime pour le fillet, & le reste despuis la sime se partira en douze parties, dont la face inferieure en aura trois, la moyenne quatre, & la superieure cinq. Puis fault diuiser la superieure face en huit, vne pour la petite eschine ou astragale, ainsi sera donné à la moyenne face la petite eschine: la proieture ou saillie & les faces de l'architraue ainsi pendentes d'vne doziesme partie de la hauteur de l'architraue, comme il est clairement notté en la figure de l'ordre Corinthe au troisieme fucillet. La frize est de la mesme hauteur de l'architraue: la hauteur de la coronice soit diuisee en neuf parties, vne d'icelles pour la sime A. de dessus la frize, deux pour l'eschine B. deux pour les mutilles F. ou modiglions, deux pour la courōne E. & deux pour la sime superieure. Apres partirez l'eschine B. desloubz les mutilles en sept parties, & en donnez chascune vne aux deux filletz ou bandes en hault & embas. Puis la quartie partie des mutilles soit donnée à la petite sime de dessus les mutilles C. Puis diuise la superieure sime D. en quatre parties, vne d'icelles soit donnée à la petite me de dessus la courōne E. Puis se diuise en sept parties, l'vne d'icelles sera le fillet de la sime. Les mutilles ou modiglions auront pareille largeur que la hauteur, & de saillie deux fois sa largeur Et les distāces des mutilles & largeur se fera ainsi qu'il se void notté en la figure presente, la saillie de toute la coronice doit estre quarrée, quant l'ouurier voudra chascun membre enrichi, ou quelqu'vn d'iceulx de la coronice, tienne le membre vn petit plus hault selon la deūe proportion.





Iamais ouuriers ne feirent plus de trois entortillemens de caneleures sur vne tige, ny moins que d'une toute entiere. Or quelles qu'elles soyent, ou droictes ou tortues, tousiours les fault il mener esgales depuis le pied iusques au coleris, à ce qu'il n'y ait poit de difformité: & pour apprédre à les creuser, il ne se fault seruir que du ioinct de l'esquierre.

Combié que j'aye traité par cy deuant du rapetissement des colonnes selon Leon Baptiste, qui se rapporte à la reigle de Vitruue: toutesfois il m'a semblé fort expedient de faire encores cinq figures selon les reigles dudit Vitruue, comme verrez au dernier fuillet du liure, & en chascune desquelles j'ay tout ce qui est necessaire assez amplement designé pour bien donner à entédre les mesures aux ouuriers qui n'ont point la cōgnoissance des lettres, si ie ne m'abuse au texte.


Voicy que dict Vitruue. Les retraittes ou rapetissemens de ces colonnes par le bout d'enhaut, se doiuent faire en telle sorte, que si chascune d'elles a depuis le fōs iusques à l'autre bout, enuiro quinze piedz de mesure, le diamettre par embas se doit diuiser en six parties, & de celles-la suffira que le bout d'enhaut en ait cinq. Quant à la haulteur de l'architraue, la raison sera telle, qu'elle debura cōtenir la moitié du diamettre d'icelle colonne par embas: puis le diuiser en trois parties. Les trois seront pour la frize, & quatre d'icelles seront données à la cornice.

De celle qui sera de quinze à vingt piedz, le diamettre par embas debura estre party en six esgalitez & demie, dont il en faudra dōner cinq & demie au bout d'enhaut. La haulteur d'icelle colonne se diuisera en treize: & l'une de ces parts sera la mesure de l'Architraue, & se diuisera comme cy deuant est dict pour la frize & cornice. Voyez la figure de la colonne marquée a.

D'une autre qui auoit de vingt à tréte piedz soit diuisé le diamettre par embas en sept portions & demye: desquelles on en baillera six & demye au bout d'enhaut, & ce sera son rapetissement conuenable: la haulteur d'icelle colonne se partisse en douze portions & demye: & l'une seruira pour la haulteur de l'Architraue, qui se diuisera en trois, dont trois & demye fera pour la frize, & quatre & demye pour la cornice. Voyez la figure de la colonne marquée. c.

Quand il sen presentera de trente à quarante piedz de haulteur, diuisez leur bout d'embas en sept parties & demye, puis dōnez les six & demye à celluy d'en haut, & ainsi voz colonnes auront bonne retraincte. La haulteur d'icelle colōne soit diuisée en douze portions, l'une seruira pour la haulteur de l'architraue, qui se partira en trois: les quatre seront pour la frize, & les cinq pour la cornice. Voyez la figure de la colonne marquée d.

Mais si vous en trouuez de quarante à cinquante piedz, il vous faudra compartir leur diamettre en huit diuisions, dont vous en donnerez les sept à la retraicte du bout d'enhaut, & ce sera droictement ce que luy appartient. Voyez la figure de la colonne marquée e.



Ceste colone a de haulteur quinze piedz trois poulces cinq lignes, y compris l'estragal & liziere d'embas.

Le diametre par bas neuf poulces quatre lignes.

Le diametre par hault vn pied sept poulces six lignes.

La basse a de haulteur vn pied vne ligne.

Le plinthe neuf poulces vne ligne de haulteur, qui porte demy diametre de la colone.

La coroniche du pied destral a de haulteur dix poulces sept lignes.

Le sillobatte ou pied d'estal a de haulteur quatre piedz, quatre poulces trois lignes.

La corniche de la basse dudit sillobatte a de haulteur dix poulces.


Le plinthe de dessous vn pied deux poulces six lignes de hault.

La haulteur du chappiteau deux piedz deux poulces huit lignes.

La haulteur de l'architraue vn pied iiii. poulces huit lignes & demie.

La haulteur de la frize vn pied, cinq poulces, trois lignes & demie.


La haulteur de la corniche vn pied xi. poulces huit lignes.




Pour les proportions de ces membres, voy-la comment le doibuent prendre (selon mon aduis) à l'equipollét des colonnes, comme voyez par les figures, à raison que tant plus la veüe de l'homme tire en hault, avec plus grande difficulté peult elle penetrer la grosseur de l'air. Parquoy venant à succomber & à perdre sa force pour auoir de ce grád espace, elle raporte au iugemét vne incertaine proportion de modules: & de là vient que pour donner bonne apparece aux membres d'un bastimét, il y fault tousiours adiouster vn supplement raisonnable, côme voyez à ceste Ionique: en laquelle ie laisse à la discretiõ de tout bon ouurier, les mesures conuenables pour les haulteurs de l'Architraue, frize & corniche. Certes ceulx qui en voudroient bien & proprement disposer, ne doibuent estre ignorans (tesmoing Vitruue) de Geometrie & perspectiue, qui sont les deux principales parties d'un bõ Architecte, à fin que l'ouurage vienne à représenter vne conuenable quantité de grádeur, qui contente la veüe des regardans.

Il m'a semblé n'auoir esté hors de propos de faire les trois sortes de portes, qu'avez peu veoir cy dessus, suiuant chascune son ordre, avec si bonne declaration que chascun s'en debura cõtenter. Ces portes sont fort conuenables aux temples, dõt on pourra aisément congnoistre comment il s'en faudra seruir suiuant leurs ordres en telz endroiçz que le lieu le requerra.

Tous les bons architectes, tant Ioniques, Doriques que de Corinthe, auoient accoustume de tenir leurs ouuertures par hault plus estroictes d'une quatorzieme partie que par le bas, & la haulteur de l'edifice depuis le parterre iusques aux voultres estoit diuisée en sept egalitez, ou bié trois & demye, ilz en donnoient les deux (qui sont les quatre de sept) à la haulteur du iour: laquelle haulteur estoit aussi my partie en douze, dõt les cinq & demye faisoient la largeur de l'entrée par embas. Les portes Ioniques soyent aussi haultes comme les Doriques, & leur largeur se prengne sur la haulteur diuisée en deux portions & demie, ou bien en cinq precisement, dont les trois (qui valent vne & demie d'icelles




Cest ordre Composite est à l'Arc de Titus Vaspasien à Rome.



celles deux & demie) face la largeur du bas de l'ouverture: & le retrefissement par en haut, tel comme j'ay dit des Doriques. Les Corinthiennes se fôt par meisme raison que les Doriques. Mais qui voudra faire plus à plain les conuenances & differences d'icelles, life Vitruue en son quatriesme liure chapitre sixiesme. Car d'autant qu'il me semble les auoir suffisamment declarées par les figures, pour en donner certaine & entiere congnoissance aux ouuriers besongnans au compas & à lesquierre, ie n'en diray d'auantage en cest endroit

Aussi ie ne me suis voulu arrester à chascun ordre pour declairer & esplucher par le menu leurs symetries, & le moyen d'y proceder seló leurs differences, pour autant que les figures les demonstrent assez amplemēt, & ne vous fault esmerueiller (amy lecteur) si les symetries de ces ordres sont figurées en plusieurs & diuerses grandeurs: car mon intention n'a esté autre, que de les declairer aux ouuriers le plus clairement & parfaitemēt que mon petit entendement les a sçeu comprendre: & qui voudra attentiuement & curieusement rechercher chascun point avec le compas, il trouuera que le tout se rapportera bien & deuement selon le texte & reigle de Vitruue, lequel ie me suis essayé de suivre au plus pres qu'il m'a esté possible.

Ceste colonne cōposite, sa haulteur y compris l'estilobate & tout l'ornement soit diuise en seize parties, l'une d'icelles parties sera donnée au diametre du troncq de la colonne embas: puis la seizesme partie marquée A. B. soit diuisee en six parties, vne d'icelles avec les seize diametres sera toute la haulteur, trois diametres feront la haulteur du nu de la stilobate: puis lesquelz trois diametres fault diuiser en huit, vne soit pour la base de la stilobate, vne pour la coronice de dessus la stilobate, vne quarte partie du diametre C. soit donné de chascū costé sera la largeur de la stilobate. La haulteur de la base de la stilobate marquée D. soit diuisee en sept parties, deux d'icelles pour le plinthe ou face, vne pour le tore, deux pour la sime, vne pour la nasselle ou torchile, vne pour l'estragalle qu'il fault diuiser en trois, le tiers sera le fillet de dessus: les deux parties de la sime se diuiseront en six parties, deux d'icelles pour les deux filletz ou bandes. La saillie de chascun membre sera ainsi qu'il est notté en la figure cy dessus, la coronice de la stilobate marquée E. soit aussi haulte comme la base, puis icelle haulteur diuiser en cinq parties, vne pour la stragalle avec le fillet, deux pour la frize, deux pour la couróne, qui fault diuiser en trois, le tiers sera la sime de dessus la couróne, le tiers de la sime sera le fillet, depuis le dessous de la couróne au dessus de l'estragalle soit diuise en trois, vne d'icelle sera l'eschine, le tiers sera le fillet de dessous l'eschine. La saillie de chascun membre portera son quarré, ainsi qu'il est notté à la figure. La moitié du diametre d'icelle colonne fera la haulteur de la basse de dessus la coronice du stilobate, icelle base a les meismes parties & proportions que celle de la Corinthe: le fillet qui se pose sur la base est vne demie partie de la douziesme partie du diametre de la colonne, deux parties du douziesme du diametre est le retrefissement de la verge de la colonne. Le chappiteau, la colóne, l'architraue, le retrefissement se fait ainsi que la Corinthienne, la colonne se peult strier ou caneller selon la Ionique,





& parfois aussi selon la Corinthienne. Le chappiteau se fera de telle mesure & proportion qu'il est icy notté & clairement desduict en chascune partie de ses membres & suillages. La haulteur de l'architraue sera aussi hault que le diamettre de la colonne par hault. La fime, face, & petit astragales, auront telle mesure & proportion que l'architraue Corinthie. La haulteur de la frize sera aussi haulte que l'architraue, qu'il faut diuiser en six, vne partie sera la fime dessus les mutiles. Les mutilles seront aussi larges comme haultes, & sa faillie en quarté : & se caient iceulx mutilles en maniere de cartouches, comme voyez par la figure. Les espaces d'entre deux mutilles sont carrez. La haulteur de la coronice de dessus les mutiles soiét de mesme haulteur que la frize, qu'il faut diuiser en deux parties, vne d'icelles pour la couronne, puis diuisez icelle partie en quatre, vne sera la petite fime de la couronne, le tiers sera le fillet de la petite fime, l'autre partie de la fime en sept, vne d'icelles sera le fillet : chascū membre de la coronice aura son quarté pour sa faillie. Voila comment la colonne Composite doit auoir ses proportions, ainsi que congnoistrez mieux par les figures clairement nottées en chascun membre, que ne vous sçauroye deluire en plus long langage.

CESTE FIGVRE COMPOSITE EST ANTIQVE.



LES CINQ MANIERES de Colonnes en differences de haulteur, pour ſçauoir comment il fault donner à chafcune colône ſon retrefiſſement conuenable ſelon les haulteurs ou elles ſeront appliquées, enſuiuant donner à l'architraue, frize & cor niche leurs haulteurs de chascune partie, côme il appert par les figures cy deſſus, ſuiuant les reigles de Vitruue.






Tay enrichy les quatre manieres de chappiteaux; demonstrent leur mesure. & pareillement vn chappiteau Ionicque: & audessus est vn chappiteau Corinthien varié d'enrichissement: & vn chappiteau composé, que j'ay fait, le tout à estamper, pour aider au deffault des autres tailles en bois, pour leur donner le garbe des fucilles & enrichissement, à mon aduis mieux: comme verrez par les figures adioustées au derriere du liure, que trouuerez grossièrement faictes, & non si delicates & nettement que ie desirerois bié. Parquoy ie supplie les ouuriers de bon iugement, & tous autres qui se delectent en cest art, auoir esgard à la maniere seulement, quant viendra à mettre en œuvre: car l'œuvre faict autrement que les desseings. Aussi j'ay fait huit figures de Colonnes enrichies, variées de leur membres & enrichissement, pour s'en seruir, si besoing est, à quelque œuvre croteste: comme pour cloaisons de menuiserie seruans dedans les Eglises ou Temples, en lieu à couuert pour plaisir, & non estre mises dehors à liniure du temps: car telles inuentions ie ne veux maintenir estre belles ne louables pour seruir à quelque grand edifice, pour autāt qu'il ne sy trouue aucune maiesté de beauté de membre, & consonance de mesure.

FIN DES CINQ MANIERES DE
Colonnes à l'exemple de l'antique, suiuant
la doctrine & reigle de Vitruue,
faict par Iean Bullant
à Escouën.

DE IOVR EN IOVR, EN APPRENANT,
MOVRANT.





SPECIAL 85-B
OVERSIZE 20757

Handwritten text in a medieval script, likely Latin, located in the upper right corner of the page. The text is partially obscured by staining and wear.

Handwritten text in a medieval script, likely Latin, located in the upper middle section of the page. The text is partially obscured by staining and wear.

Handwritten text in a medieval script, likely Latin, located in the middle section of the page. The text is partially obscured by staining and wear.

Handwritten text in a medieval script, likely Latin, located in the lower middle section of the page. The text is partially obscured by staining and wear.

ff. 100v